

常德府志卷四十四

傳第九

列傳

隱逸

虞

善卷者古之賢人也堯聞得道北面事之莊子云舜以天下讓善卷卷曰予立於宇宙之中冬日衣皮毛夏日衣絺葛春耕種形足以動勞秋收斂身足以休息日出而作日入而息逍遙於天地之間而心意自得吾何以天下為哉遂不受入深山莫知其處

高士傳 宋明統志善卷武陵人居於枉山 宋政和間賜號遁世高蹈先生又善卷先生墓在大西山巔 先生姓名未詳或云舜時人宋真宗東封辰州通判歐陽陟言先生有功于民詔

常德府志

卷四十四

列傳隱逸

一

封瑩立祠賜號高蹈 □ □ 祠記董子曰堯舜德彰而名尊善卷德積而名顯 德山志朱子記其祠謂先生之道有不可一日無者

漁父楚人楚亂乃匿名釣於江濱屈原既放披髮行吟於澤畔漁父見而問之曰子非三閭大夫與何故至斯夫聖人者不凝滯於萬物故能與世推移舉世混濁何不揚其波汨其泥衆人皆醉何不鋪其糟歎其醜何故懷瑾握瑜自令放為乃歌曰滄浪之水清兮可以濯吾纓滄浪之水濁兮可以濯吾足遂去深山自閉匿人莫知焉

總志

晉

□朝字世明武陵漢壽人也少有雅操閑居樂道不修世事

生好學以博士徵不就刺史劉宏薦於朝爲零陵太守口者以非選例不聽尙書郎胡濟奏曰臣以爲當今資喪亂之餘運承百王之遺弊進趨者乘國故以僥倖守道者懷蘊匱以終身故令敦褒之化虧退讓之風薄按朝遊心物外不屑時務守靜衡門志道日新年過耳順而所尙無虧誠江南之奇才邱園之逸老也不加飾進何以勸善且白衣爲毘前漢有舊宜聽恍顯以獎風尙奏可而朝不就終

於家

晉書 舊志朝少好學  
臨池學書水爲之黑

襲元之字道元武陵漢壽人也父登歷長沙相散騎常侍元之好學潛默安於陋巷州舉秀才公府辟不就孝武帝下

常德府志

卷四十四

列傳隱逸

二

詔曰夫哲王御世必搜揚幽隱故空谷留繫維之咏邱園賁束帛之儀譙國戴逵武陵襲元之並高尚其操依仁游藝絜己貞鮮學宏儒業朕虛懷久矣二三君子豈其戢賢於懷抱哉思挹雅言希承諷議可並以爲散騎常侍領國子博士旨下所在備禮發遣不得循常以稽側席之望毘縣敦迫苦辭篤疾不行尋卒時年五十人弟子元嘉亦有德操高尚不仕舉秀才及州辟召并稱疾不就孝武帝以太學博士散騎侍郎給事中累徵不起卒于家

晉書 按通志氏族

畧有襲元之註晉徵士係武陵毘漢壽人并南史載有襲爲傳康熙字典據此入襲字註史作襲姓者魚魯之誤也

南北朝宋

襲祈字孟道武陵漢壽人也從祖元之父黎民並不應徵辟  
祈年十四鄉黨舉爲州迎西曹不行謝晦臨州命爲主簿  
彭城王義康舉秀才除奉朝請臨川王義慶平西叅軍皆  
不就風姿端雅容止可觀中書郎范述見而嘆曰此荆楚  
仙人也衡陽王義季臨荆州發教以祈及劉凝之師覺授  
不應徵召辟其三子祈又徵太子舍人不起時或賦詩言  
不及世事元嘉十七年卒時年四十二

宋書

唐

賈參寥垂拱中隱武陵著莊子通真論三卷

唐書

宋

常德府志

卷四十四

列傳隱逸

三

楊縝武陵人志在泉石棄官隱桃源山崇寧間賜號冲真處

士

明統志

周德元龍陽人以行義聞於時屢徵不就隱居樂善與濂溪

九世孫周墳齊名

楚紀

明

楊應源字岷東武陵人與王陽明友善而講學不合陽明寄  
書云綠蘿別後脫盡鳩媒歷覽青溪雲林步步尋到源頭  
覺此道中另闢一番幽邃世界斜陽古驛芳草天涯閒時  
讀君近作詩古文詞欲歌欲泣不須把酒讀離騷也易詮  
錯綜盡致而取象處不出考亭法門某竊謂宋儒釋經只

是天地間糟粕物事耳杜句重與細論文不足爲外人道也浮梗薄軀有時邀恩歸里當訪君於桃花流水間君其掃開閭巷以待卒隱居終身

楊氏譜

陳穎武陵人後更名逸佐聖子少有文名外兄楊嗣昌崇禎

朝最承眷顧援之仕不應終身吟咏自適

武陵縣志

史瑞楊華廖永安廖永寧楊鳳鸞史仲聰袁獻周漢楊介九人皆龍陽人甘恬退不求仕進徜徉山水間時有九高之

擬縣志

陳養化龍陽人有善行周卹鄉里訓家有法子祿工楷書梅

溪人士咸師之

縣志

常德府志

卷四十四

列傳隱逸

四

黃迪沅江人由歲貢廷試不受官職貧約清修壽八十而卒

喻驥沅江人洪武甲戌舉人屢詔授職隱居不仕

俱縣志

國朝

陳思虞號澹岩武陵人曠達不屑屑繩墨 國初兩補弟子

員皆棄去雅好音律尤工琴操遊覽名勝極力於天文地理導引家言兼通醫術貧病者輿致其家飲食藥餌畧不計償故人張某宦黔中罷官館於家數十口皆賴存活與鄉人結洪鐘詩社築湖上書屋植梅數十株自號鐵香主人著有鐵香詩集

武陵志稿

鄔粹號蘧翁武陵人家苦貧好學不輟與彭逢年爲中表時

往來相切劘試輒不售已而絕意求治身之學言動必遵  
禮法教授生徒隆冬盛暑不倦嘗抄朱子大全及諸史天  
文星象等書不下等身全上

劉毓庚桃源人字夢白號孤嘯善書畫力追前輩有沈石田

文徵明家法續桃源縣志

陳九畹桃源人字宛田號朗江漁父善篆籀詩酒自娛有相

石齋印藪傳世續志

陳開昌桃源人字見白以善書與陳紳齊名遨遊山水不問

世事續志

艾顯桃源人字天明號無山家學淵源工詩文兼善篆籀筆

常德府志 卷四十四 列傳隱逸

五

力章法逼古續志

方伎仙釋中人者附見各寺觀

漢

張渤字伯奇父曰龍陽君母曰張媪其先君與媪遊太湖晝

晦風雨雷電並起忽失媪處頃霽言天女賜以金丹已而

有娠歷十四月當神爵三年二月十一日夜半生渤長而

奇偉身長七尺隆準修髯髮垂委地開長興諸瀆河功德

被民屢獲封贈立廟祠山洪武二十一年圖其像錫之帝

號命祭酒宋濂紀其事龍陽縣志 統志 張秉武陵人一

君功在吳分故遣相配生子以木德王其地且約踰年再  
會秉如期往果見前女以襁褓子歸秉曰當世世相承

食吳楚後生子  
渤爲祠山神

黃敬字伯嚴武陵人少讀經書仕州爲部從事後棄世學道於霍山八十餘年復入中嶽專行服氣斷穀爲吞吐之事胎息內視召六甲玉女吞陰陽符又思赤皇在洞房前轉大如火周身至二百歲轉還少壯道士王紫陽數往見之求要言敬告紫陽曰吾不修服藥之道但守自然蓋地仙耳何足詰問聞新野陰君神丹昇天之法此正大道之極也子可從之紫陽固請不止敬告紫陽曰大關之中有輔星想而見之翕習成赤童在焉指朱庭指而搖之煉身形審能守之可長生紫陽受之遂得長生之道

葛洪神仙傳

常德府志

卷四十四

列傳方伎

六

晉

黃道真武陵人棄俗居高吾山修道乘白鹿去不知所終

統志

舊通志晉黃道真太康中隱居高吾山卽問津之漁郎也

南北朝宋

虞德龍陽人有道術流寓益陽止主人夏蠻舍中忽見有白紙一幅長尺餘標蠻女頭乃起扳取俄頃有虎到戶而退尋見何老母標如初德又取之如斯三返乃具以語蠻於是相與執杖伺候須臾虎至卽格殺之同縣黃期具說如

此異苑

□超之武陵人奉經好道宋元嘉中亡將葬猶未闔棺其從

兄簡之來會葬啟蓋視之但見雙屐在棺中云 異苑

唐

梁新武陵醫士也舟次渚宮時有富商船同泊中夜暴亡至明氣猶未絕新聞之與診視曰此乃食毒也兩三日前外食邪僕夫曰主人少出訪亦不食於他人新曰尋常嗜食何物曰好食竹雞每年不下數百隻新曰竹雞食半夏必半夏毒也命絞薑汁灌之良久方蘇時崔鉉鎮渚宮聞而異之資以僕馬入京致書於朝士聲名大振仕至尙藥奉

御 湖廣通志

黃洞源武陵人大歷中學道於桃源宮瞿柏庭至武陵師事

常德府志

卷四十四

列傳方伎

七

之尋遇一老僧遂辭洞源曰歸仙洞去洞源留之不可期十八年再見後洞源之潤州茅山柏庭忽至計之正十八年洞源曰吾亦將蹈滄海次日果羽化列仙傳

古隄和尚朗州僧也受訓章敬暉禪師尋常見僧來但曰去汝無佛性僧無對或有對者莫契其旨一日仰山到叅嘆曰不可思議來者難爲湊泊 五燈會元

白揚順定錫金牛山大開講座聽法者千人多所建豎爲茲

山一祖 傳燈錄

宋

□□武陵人治折傷有名嘉佑中縣尉羅彥輔迎轉運使於

撫界橋折馬驚墮彥輔肱髀骨破肉裂塌然不能運動翁  
爲治之旬日而愈其效類爾園南城境至鄉鄰數百里折  
傷者必責愈於翁無不得其欲者翁家道旁無田桑封殖  
獨種竹干竿資醫以養泰定不乏行旅過門踵相交翁遇  
之皆有理致無不得其歡心者其接儒生最謹有題詩贈  
之者壁詩歲加多且滿

灌園集

思業禪師武陵人住文殊寺道禪師法嗣世爲屠宰一日戮  
猪忽洞徹心源卽棄業爲僧述偈曰昨日夜叉心今朝菩  
薩面菩薩與夜叉不隔一條線往見文殊殊一日上堂舉  
趙州勘婆語乃曰勘破婆子面青眼黑趙州老漢瞞我不

常德府志

卷四十四

列傳方伎

八

得

五燈會元

張尊師武陵人號白雲子著有消災頌

陸渭南跋

李正字宏卿武陵人學道見東皇公教之十七年後死家人  
埋之武陵塚上有樹高七尺生花人遇見之皆聰明能文  
章號聰明樹

統志

明

冷謙字啟敬武陵人號龍陽子元中統初與劉秉忠從沙門  
海雲遊博學精於易尤深邵學及百家方術靡不洞習至  
元間秉忠爲相謙乃棄釋從儒居雪川交趙孟頫嘗於四  
明故相史彌遠家觀李思訓畫因契之遂善繪後隸淮揚



異人授 人授中黃大丹傳張氏契真旨迨至正間年百餘歲  
貌渥如童避亂金陵坐肆市藥國初仕爲太常博士考定  
樂律會京邸主人貧數求振於謙謙一日卽邸壁畫爲門  
一□守之語館人曰第人可得富然毋多取毋有所遺館  
人叩門入見金寶珍貝充物如山恣意揀取因而遺謙所  
畀引文句日內帑守者告失物持引爲証上命逮館人及  
謙謙就遠語逮者曰我龍遜能飛桁楊桎梏不能制我須  
以大甕貯我我乃得赴上前逮者如其言取一甕置庭中  
謙以脚插入良久身盡入甕端坐其間明日視之甕空矣  
逮者懼甚從甕口呼謙謙輒應比舁甕至上前白其事上

常德府志

卷四十四

列傳方伎

九

親呼謙謙應上曰朕赦汝汝宜出見固不出上怒命左右  
碎甕幾百餘片片而呼之而無不應也竟逸不復可得

楚寶

三休居桃源靈岩僧室能詩有逸句善內外丹術夜讀不燃  
燈手持一珠照字光達戶外僧伺之時或不見惟龍首峻  
嶒在几案間雲霧滿室叩之徐笑白草爲螢鷹爲鳩人獨  
不化邪相人貴賤天壽如響

通志

雲石字他山不入城市襍被書笈往來山谷間性嗜酒喜琴  
尤精醫術有長桑君之驗

通志

□一□一名 桃源人早入沙門穎悟過人通經史營詩詞盡解

楞嚴顏如童子年九十尸解增

楊注思龍陽人本姓羅因舅氏爲楊精道術能驅雷電祈晴  
禱雨輒應沒於崇正癸未龍志

張一俗呼邈邈桃源陬市人不居廬舍夜坐野墳上隆冬雨  
雪裸身不畏寒入市中索飲食人如所取則受有意與之  
則不受得錢隨給貧者人與之言則以拳塞兩耳不答後  
不知所終桃源縣志

曹宗先字述子號野人龍陽軍山里人爲益陽庠生崇禎末  
日負重出入人怪之獻賊至曹負母急走二百里外得免  
老髡其頂沒後二十年常髡叅幕許尙忠舍其廬於庋上

常德府志

卷四十四

列傳方伎

十

得一稿卽少時受業遊僧所編通源集詢狀貌宛肖惟少  
鬚許驚異因憶遊僧留別一偈綴筆楚益陽曹氏行尸始  
知僧爲曹脫化爲刻通源集行世初曹無鬚偶遇道人手  
捩其鬚稱美道許贈之曹稱謝云道家無戲言後道人髡  
髯盡脫曹生美髯已祝髮並薙其髯長沙府志

國朝

髡殘號石谿又號白禿又自稱殘道者武陵人少時自翦其  
髮投龍三三家菴旋遊諸名山叅悟後來金陵受衣鉢於  
浪杖人住牛首山工山水興境奇闢緬邈幽深引人入勝  
筆墨高古設色清湛得元人勝概此種筆法久不見於世

蓋從蒲團中得來者

畫徵錄人善繪事不畫錄爲人作周亮介邱武

交乞作冊數幅欣然命筆新城王士正嘗題其畫云紫竹林中一徑微曾尋石窟叩禪扉雲山舊衲渾忘却借僧

雞壞色衣

丁方斌武陵人精岐黃術嘗從高人採藥隴蜀耿亳間久之

乃歸居神仙觀遇危症應手而愈雖富貴家不索謝一醉

徑去杖頭常掛酒瓢藥囊求醫者卽以刀圭與之 王萼

樓者爲武陵醫學治人疾十得六七既没人猶思之

志藁

華軒字挹爽武陵人能作山水人物尤工蝴蝶人呼華蝴蝶

後有陳志光者工渲染稍脫匠氣爲貴遊畫桃源圖饒有

氣韻增

常德府志

卷四十四

列傳方伎

十一

武纂武陵人精易理卜休咎如響求卜者無虛日皆依卦義

爻辭決之非有秘術也提督黃士簡署失金二百延使卜

曰金未出署明午必見翌日果得於書室東北隅提督欲

令物色其人曰法不可也兼通醫術年九十二元孫永清

傳其術占事亦多中

魏開幼武陵人與其弟梓得異人授小兒醫術嘗同至安鄉

投宿野人家拒不納已乃止舍旁積草中主人有小兒戲

於側梓曰是兒有風症開曰發在今夕夜半果然主家驚

惶求治之立愈又有小兒患手足攣者他醫鍼灸罔効

幼過之曰此非穴道他醫怒其侵已開曰若治兒體□□

治兒體右已右愈而左如故主人請并治之兒立起人有  
得其傳者皆獲奇驗增

魏晉基其先江夏人仕常德營千總罷官貧不能歸遂爲武  
陵人工繪事裴垚有題其繪山水障子詩子友鶴善畫翎

毛俗稱小魏云

志藁有名藁按郡人畫自髡殘後鮮有名家者姑錄數人以備數

丁用元字視男武陵趙塘里人初業儒卒學醫有鄰翁鞠某  
無故以脈試用元按之驚語曰君來日定死於非命次日  
鞠翁出牧果斃於雷又陳氏婦臨產數日不下醫謝不治  
用元令婦以冷水沐面著驚登時卽下又安福縣何某妻  
妾止生一子痘症而亡明日出棺過市夫婦昏哭於地適

常德府志

卷四十四

列傳方伎

十二

值用元問症由及色與死期良久曰此痘必夾驚風吾能  
活之命取眞朱漆棹一張開棺將子攤棹上用艾三丸灸  
百合穴頃刻復甦人以爲神增

陳輝遠武陵人精醫術能以太棄脈決人窮通壽夭乾隆初  
年名甚著增

段生者武陵竹陂港人業醫不診脈能望色知人疾嘗過鄰  
村愛一兒娟好摩其頂曰此兒可惜早遇我當可活今無  
及矣言時兄固無恙翼日果以暴疾沒其神驗多類此增  
高有相武陵人幼業儒已而從事醫學輒精與朱景英交最

篤每約同撰醫史未就卒增

李兆鯨字騰海武陵人精醫年甫冠有馬某病夜見二童泣於側曰明日李醫至吾輩無藏身處矣病家邀其診視一劑霍然由是行其業董觀察約同赴黔任時黔省各府大疫調藥餌令行者擔隨之逐戶施濟到輒病除乾隆八九年武邑監禁中要犯多以病死兆鯨任訓科理其事歷三十年獄中鮮服藥者邑令洪問其術兆鯨曰獄無病人此非醫者之術而治獄者之術也情真罪當彼既心志貼服無所激發而安於囹圄飲食寒暑亦知自衛疾之所以不由中出也司監吏卒申明約束勤於掃除夏燠蚊蚤冬遮風雪無燥濕之侵有笑語之樂則病又不自外作矣此訓

常德府志

卷四十四

列傳方伎

十三

科之所以無事也邑令善其言以爲知道有閩客鼻孔中各有赤虫一條粗不及繩長四五寸每聞香物輒出觸之卽入滑而黠不可拔兆鯨教之吸福州小溪烟從鼻孔出日由一兩吸至二三兩三日後遂除是患因訪其說兆鯨曰是虫卽水蟒也初離胎戲於澗汝以渴極掬水飲之虫卽附入鼻孔如髮細飽涕而肥得□而赤愛香而出畏烟而逃今幸早遲則不可爲矣子廷揚字良輔苦思能文放縱不拘小節邃於醫有余姓子嘔血胸前挺出大如覆碗痛楚無似醫者莫辨良輔曰血可緩調挺宜急去用韭菜汁一大盃兌淡酒四兩每服一小杯俟飲畢當嘔黑血數

升急備人葎三分以防其昏昏後挺消三日方可治本病  
主人謹從之月餘全瘳又蕭氏子年方壯病卧如僵良輔  
一見厲聲呼曰是子必狂不可當速用壯夫持繩縛之不  
然將損折其肢體且傷人也言未竟兒自牀起張目直視  
上屋登墻父攣其手足良輔曰速取大稱錘數枚燒紅入  
醋以開水兌醋少許灌之數次而是子力綿目閉矣次日

服藥愈

孫良貴  
李醫傳

郭半仙武陵人□□寅丁卯間居城東里初以鬻履爲業  
既而狂行市上人咸以爲顛久之乃覺其異恒卧武廟左  
馬下一夜忽移右卧晨起視則左馬倒矣市人以食物與

常德府志

卷四十四

列傳方伎

十四

之多不食若自向人求食其家貿易必盛因爭相延致不  
可得嘗口中譚語若有祝者問之不答披髮曳衣手挾一  
竹杖或劃地作圓圈縱橫穿插以示人莫有喻者天晴攜  
屐傘出是日必雨久彌見科頭行市中必轉晴一日於府  
治前東街執數十燒餅每舖置一曰好燒已於未置餅處  
用枝灑水曰好水數日失火如其所灑水處止人始知其  
先有意示人形貌枯槁不澣不濯盛暑卧處無蚊卧數日  
不飢所嗜者盡啖之亦不甚飽人以半仙呼之

袁凱字虞開沅江人母夢一瞿曇

而生沒後值大疫家人得  
石符懸之門疫無所染

長齋老人姓吳名正蓉武陵人也性沉靜有慧悟嘗手□□

乃老子河上公章句本無注釋者用己意解說人服其敏又精算學相人多奇中

武陵醫學楊大有字慎菴有李某妻病水飲隨下不收者數月羣醫不治以絹數尺同地黃數兩煎膏攬極細煨小苗水冲服遂愈或問之曰此膀胱破也絲性纏縛地黃助其元氣小苗引入少腹盖以意為之治他症亦纏時出新意

### 流寓

周

范蠡楚三戶人游寓赤山後人名其湖曰蠡上有范蠡廟總志

**越絕書**昔者范蠡其始居楚曰范伯自謂衰賤未嘗世祿故自菲薄要大夫種入吳旋入越

東漢

常德府志

卷四十四

列傳流寓

十五

王雋汝南人少為范滂許章所知公車徵之不至避地武陵歸之者百餘家獻帝都許徵為尚書復辭終於武陵曹操之下荆州目臨江迎其喪改葬江陵魏志

六朝宋

沈約字休文吳興武康人祖林子以佐命功封漢壽縣伯食邑六百戶父璞淮南太守約年十三遭家難潛竄會赦免既而流寓孤貧篤志好學濟陽蔡興宗聞其才而善之興宗為郢州刺史引為安西外兵參軍兼記室齊高祖受禪

封建昌侯諡曰隱

南史無約為沅令之文祖林子封漢壽縣

伯從父伯玉少除世祖武陵國侍郎其後除南臺御史尋轉武陵國詹事終於元徽之季則孤貧流寓之時或嘗至

武陵也亦見古蹟

唐

宋之問

王昌齡

李白

杜甫

舊志流寓王昌齡以謫龍

標過此李白以流寓岳州嘗至此杜甫可考

張旭

孟浩然

李羣玉

舊志流寓李羣玉張旭孟浩然俱有

張白

亦名張虛白

衡州人少應舉不第入道常挑一鐵葫蘆得錢

便飲酒自稱白雲子忽一日死葬武陵城西經半載有鼎

州官揚州勾當公事遇於酒肆同酌數日衆開驗其棺一

空有武陵春色詩三百首今存其一全唐詩傳疑按傳中

宋

常德府志

卷四十四

列傳流寓

十六

王安石曾遊於沅有詩

增

姜夔字堯章號白石道人鄱陽人嘗遊武陵後流寓吳興有

詞序云余客遊武陵湖北憲治在焉古城野水喬木參天

予與二三友日蕩舟其間意象深邃不類人境秋水且濶

荷葉出地尋丈因坐其下不見日清風徐來綠雲自動

閒於踈處窺其人畫船亦一樂也

朱竹垞詞綜

劉安石魏人紹聖中爲章惇所陷謫居鼎州

統志

張廷堅廣安軍人以不附蔡京列黨籍編管鼎州

統志

杜昉初判密州高宗建炎初寓居武陵會賊鍾相作亂強脅

之使從昉憤罵不絕遇害

總志



嚴字道立襄陽人讀書識大義善槊射自圍中拔身走口  
在所上書論事不報拂衣去終武陵有武陵客居詩谷音集

明

楊宗壽字仁山吉水人靖難兵起抗節偕子克銘隱居武陵

著籍英國公張輔  
楊仁山傳

王守仁字陽明餘姚人正德二年丁卯以吏部主事忤劉瑾

謫貴州龍場驛丞過武陵寓潮音閣與里中冀元亨蔣信

講學未幾赴貶所五年至江西復過常德暫留講學於桃

岡論靜坐為補小學收放心之功通志

孫應鰲字山甫揚州人由翰林歷官湖廣布政巡撫鄖陽慕

常德府志 卷四十四 列傳流寓 十七

蔣氏正學願遊其門每至武陵輒淹留會講桃岡買田宅

一區將投老焉會還籍展墓卒於家舊志

袁宏道字中郎公安人慕德山桃源之勝扁舟入武陵住德

山數月與龍襄龍膺兄弟唱和寓德山乾明寺著有廣莊

暑譚復溯流而上遍覽桃川漁僊仙掌水心彝望之奇所

至有記舊志

曹應昌字石霞麻城人崇禎己卯領解癸未進士授知縣不

任吏事棄歸浪遊嘗訪同譜唐誠於武陵留枉渚最久有

德山饒舌集德山志

楊慎 何景明 鍾惺 譚元春舊志流寓何景明按楊慎  
成永昌何景明以□□□□

州口惺以典試黔省譚元春以慕遊桃  
源俱寓武陵留連數月題咏記述爲多

### 國朝

查慎行字初白海寧人康熙己未同邑楊以齋副使撫黔陽  
聘初白入幕寓武陵最久再遊德山爲雨雪所阻留宿乾  
明寺有次周必大石刻詩韻登朗州城詩增

潘耒字次耕吳江人康熙己未以布衣應鴻博試除翰林院  
檢討嘗遊龍陽有過赤沙湖青尉祠墨池詩增

金欽字伯敬蜀人工詩文善草書居龍陽最久與邑人相唱  
和縣志

郭毓字春林諸暨文學遊武陵值大水彳亍中衢無所棲止

### 常德府志

#### 卷四十四

列傳流寓

十八

邑人陳詩漢兄弟見而異之館於家昕夕談讌悉爲越中  
宿學著述盈尺二陳因出其父白雲山房全集請校定爲  
序以弁其首增輯

王炎字崑華浙之錢塘人後攜家來武陵居焉工書法兼善  
繪事凡涉筆必求家數非苟作者子敬禧傳見文苑

朱文震字青雷山東歷城人好學善吟咏書宗漢佐隸法已  
而學渲染皆令古人晚以薦剡授職太學寓武陵最久與  
邑人朱景英往來甚相契按王炎朱文震二人俱  
見朱景英懷友詩註

彭成泰祁陽人素有志操家頗裕往來江漢間手累鉅萬揮  
霍畧盡產讓兄弟寓居武陵子元英由選貢任永清縣

劉元燮湘潭人雍正庚戌進士改庶吉士主朗江書院講席  
有知人鑑所賞識悉登甲乙科入翰院後主嶽麓書院講  
張九鎰湘潭人乾隆丁巳進士改庶吉士歷官川東道主朗  
江書院講課讀甚嚴日必鎖院惟送薪水時兩啟鑰生徒  
毋敢有妄出入者增

羅典字慎齋湘潭人乾隆辛未進士改庶吉士歷官鴻臚寺  
卿乾隆丁酉主朗江書院講每課試必集生徒於講堂不  
入私舍夜分不退日具冠服與生徒說經憂愉如一體贊  
儀無諭厚薄悉不受在朗江五年多所造就著有五經管

見增

常德府志

卷四十四

列傳流寓

十九

卷四十四終